

BOSNA I HERCEGOVINA
Federacija Bosne i Hercegovine
ZENIČKO-DOBOJSKI KANTON
Općina Maglaj
SLUŽBA CIVILNE ZAŠTITE



BOSNIA AND HERZEGOVINA
Federation of Bosnia and Herzegovina
ZENICA-DOBOJ CANTON
The Municipality of Maglaj
SERVICE FOR CIVIL PROTECTION

Broj: 07-44-2- 994/18
Datum: 24.05.2018. godine

INFORMACIJA O STANJU ZAŠTITE OD POŽARA NA PODRUČJU OPĆINE MAGLAJ U 2017. GODINI

MAGLAJ, maj/svibanj 2018. godine

UVOD

Zaštita od požara uređena je Zakonom o zaštiti od požara i vatrogastvu ("Službene novine ZE-DO Kantona" broj:5/11), i predstavlja sastavni dio jedinstvenog sistema zaštite i spašavanja ljudi i materijalnih dobara od prirodnih nepogoda i drugih nesreća. U Kantonu je uređen Zakonom o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj:39/03, 22/06 i 43/10, i Zakonom o nadležnostima kantonalnih organa Zeničko-dobojskog kantona u oblasti zaštite i spašavanja ljudi i materijalnih dobara od prirodnih i drugih nesreća ("Službene novine Zeničko-dobojskog kantona", broj:9/08, pa se zaštita od požara i vatrogastvo organizuje i funkcioniše u okviru tog sistema, a vrši se na način predviđen ovim Zakonom.

Zaštita od požara se sastoji od planiranja, propisivanja i provođenja kao i finansiranja mjera zaštite od požara, te ustrojavanje subjekata koji provode zaštitu od požara. Subjekti su osim pravnih osoba propisanih ovim zakonom, i pravne osobe i udruženja, koji obavljaju vatrogasnu djelatnost, te jedinice lokalne samouprave. Tijela jedinica lokalne samouprave dužni su provoditi mjere zaštite od požara utvrđene zakonima i drugim propisima, planovima, pravilnicima i procjenama ugođenosti od požara, odlukama jedinica lokalne samouprave te drugim općim aktima iz područja zaštite od požara.

Jedinice lokalne samouprave osiguravaju u svojim proračunima finansijska sredstva za redovnu provedbu zaštite od požara na svom području prema vlastitim planovima zaštite od požara, i programima zaštite i spašavanja od prirodnih i drugih nesreća.

Vatrogasna djelatnost uređena je Zakonom o vatrogastvu. Vatrogastvo je obavezna javna služba čija je osnovana djelatnost zaštita i spašavanje ljudi i materijalnih dobara od požara i čije trajno i neometano obavljanje osigurava Kanton i Općina, na način predviđen ovim zakonom.

Vatrogasna djelatnost je stručna i humana djelatnost koja je u funkciji zaštite osnovnih ljudskih prava na život i materijalna dobra, pa stoga predstavlja poseban javni interes za Kanton i Općinu.

1. ORGANIZACIJA VATROGASTVA U OPĆINI MAGLAJ

U općini Maglaj djeluje Odjeljenje ZOP-a i vatrogastva sa 14. izvršilaca, i u privrednom subjektu Natron-Hayat 35 izvršilaca. U skladu sa Zakonom o vatrogastvu rukovodilac PVJ je uz saglasnost Ministarstva unutrašnjih poslova Odjela za PPZ i eksplozije donio Operativni nastavni plan obrazovanja Profesionalne vatrogasne jedinice sa praktičnim uvježbavanjem taktike gašenja požara.

Varogasni operativni centar (VOC) je operativno tijelo Profesionalne vatrogasne jedinice sa stalnim 24 satnim dežurstvom. Obavlja zaprimanje dojave o požaru ili drugom događaju, prosljeđivanje informacija i uzbunjivanje prema Operativnom planu, kao i sve ostale radnje koje se tiču informacija, komuniciranja i koordinacije prije, u toku i po završetku vatrogasne intervencije. Informiše Općinski operativni centar CZ i Kantonalni operativni centar CZ, Policijsku stanicu Maglaj, i RTV Maglaj.

2. STANJE OPREMLJENOSTI ODJELJENJA ZOP-a I VATROGASTVA

Vatrogasna vozila

Opremljenost Profesionalne vatrogasne jedinice treba biti takva da omogućava uspješno obavljanje vatrogasne djelatnosti. Izbor opreme i sredstava zavisi od procjene ugroženosti od požara i požarnog opterećenja Općine. Na žalost, samo manji dio vatrogasnih jedinica u Zeničko-dobojskom kantonu u potpunosti je opremljeno nužnom opremom za vatrogasnu djelatnost.

Broj vatrogasnih vozila sa kojim raspolaže Profesionalna vatrogasna jedinica:

- Navalno vozilo za gašenje požara-jedno
- Tehničko vozilo za saobraćajne udes-e-jedno
- Vozilo za šumske požare-jedno
- Vozilo za prijevoz vode-jedno

Profesionalnoj vatrogasnoj jedinici nedostaje slijedeća oprema:

- Vatrogasno vozilo kombinacija voda-pjena 5000l
- Autoljestve i platforma/vozilo za rad na visini
- Vozilo za ekološke akcidente

Sva ova vatrogasna vozila koja nedostaju moraju biti takva da zadovoljavaju europske standarde za rad na intervencijama u prometu, tehnološkim intervencijama u industriji i na građevinama. Uvidom u podatke o vatrogasnim vozilima može se zaključiti da je prosječna starost vatrogasnih vozila 28 godina.

Zaštitna oprema i osposobljenost vatrogasaca


Pomak naprijed je učinjen u raspisivanju tendera za nabavku zaštitne opreme kao i nabavke iste (zaštitne vatrogasne čizme, jakna, hlače, kaciga i rukavice) 14 kompleta, intervencijska odijela. Ovdje treba istaći da je ova oprema predviđena Programom zaštite i spašavanja od prirodnih i drugih nesreća 2016.-2020. godina.

3. INTERVENCIJE PROFESIONALNE VATROGASNE JEDINICE

Požari

Iz podataka o broju požara u periodu: od 2011. do 2017.godine vidi se da su vremenske prilike uticale na povećanje rizika od izbijanja požara.

Godina	2011	2012	2013	2014	2015	2016	2017
Broj požara	27	97	39	45	93	65	97




U periodu od 01.01. do 31.12.2017 godine na području općine Maglaj Profesionalna vatrogasna jedinica imala je 139 intervencija.

Intervencije po vrstama 2017.godine	Požari otvorenog prostora	Požari objekata i odžaci,i ostali	Tehničke intervencije	
Ukupno	139	38	61	40

Kako se vidi iz tabele u 2017. godini zabilježeno je smanjenje broja požara na otvorenom prostoru,u odnosu na 2016.godinu.

Šumski požari u periodu: od 2011. do 2017.godine.


Godina	2011	2012	2013	2014	2015	2016	2017
Broj požara	38	93	5	4	4	7	4



Pojava požara u šumi zavisi prije svega od vremenskih prilika, stanja vlažnosti i količine gorivog biljnog materijala. Požari se mogu javiti tokom cijele godine, ali se izdvajaju tri kritična perioda: početkom proljeća (mart-april), u ljeto (juni-avgust) i u jesen (septembar-avgust). Iz ove tabele se vidi kada su bili dugi sušni periodi dolazilo je i do povećanja broja šumskih požara, a to su : 2011 i 2012. godine.

Tehničke intervencije: u periodu od 2011. do 2017. godine.

Godina	2011	2012	2013	2014	2015	2016	2017
Broj intervencija	11	3	12	3	10	22	40



Pored intervencija gašenja požara, Profesionalna vatrogasna jedinica je imala i tehničke intervencije. Tehničke intervencije izvedene su kod prometnih nesreća, te saniranja i uklanjanja prepreka na otvorenom prostoru. Iz ove tabele vidi se da je u 2017. godini bio najveći broj tehničkih intervencija.

4. PROVEDBA ZAKONA, PROPISA I PROGRAMA U PODRUČJU ZAŠTITE OD POŽARA

Program aktivnosti u provedbi posebnih mjera zaštite od požara od interesa za Općinu Maglaj

Na osnovu člana 16. osnovni nosilac organiziranja i provođenja zaštite od požara je Općina, kao jedinica lokalne samouprave koja je odgovorna za organizaciju i funkcionisanje zaštite od požara na području općine Maglaj ("Službene novine Zeničko-dobojskog kantona broj:5/11").

Na osnovu člana 17. općina Maglaj svojom procjenom ugroženosti od požara vrši izradu svog Plana zaštite od požara gdje se utvrđuje: organizacija zaštite od požara, organizacija i način upotrebe vatrogasnih jedinica, sistem javljanja i obavještanja, postupak u slučaju požara, tehnička oprema i sredstva potrebna za gašenje, pa način snabdijevanja vodom, putevi, prilazi i prolazi za gašenje požara, sadejstvo svih vatrogasnih jedinica koje postoje na području općina.

Ovdje treba napomenuti da je Općinski štab Civilne zaštite donio Procjenu ugroženosti od požara za općinu Maglaj. Na osnovu Procjene ugroženosti od požara i Uredbe za izradu Plana zaštite od požara, Općinsko vijeće je usvojilo Plan zaštite od požara.

Na osnovu člana 149. Općina je donijela Odluku o organizovanju i funkcionisanju zaštite od požara i vatrogastva, odnosno Općinsko vijeće je uskladilo Odluku sa odredbama Kantonalnog zakona zaštite od požara i vatrogastva. Potrebno je izvršiti implementaciju ove Odluke.

Općina Maglaj je donijela Pravilnik o zaštiti od požara i uskladila sa članom 19. Kantonalnog zakona zaštite od požara i vatrogastva.

Donošenjem Odluke o organizovanju i funkcionisanju zaštite od požara i vatrogastva stvaraju se uslovi da Općina iz svoje nadležnosti može regulisati sva pitanja u oblasti Zaštite od požara i vatrogastva, koja su specifična i važna za njeno područje.

5.PRIJEDLOG MJERA ZA POBOLJŠANJE STANJA ZAŠTITE OD POŽARA U OPĆINI MAGLAJ

Općina Maglaj treba u kontinuitetu nastaviti opremanje i osposobljavanje PVJ za izvršenje zadataka iz oblasti zaštite od požara i vatrogastva u skladu sa Pravilnikom i Okvirnim ličnim i materijalnim formacijama.

Treba iznaći mogućnosti izdvajanja budžetskih sredstava za nabavku i obnovu voznog parka PVJ Maglaj, a prvenstveno navalnog vozila za gašenje požara voda-pjena.

Kontinuirano provoditi sve propisane preventivne mjere u oblasti zaštite od požara, posebno u stambenim objektima i javnim objektima gdje se očekuje veći broj građana, one koje doprinose sprečavanju izbijanja šumskih požara, požara na otvorenom prostoru i drugih požara.

Za učinkovito i uspješno djelovanje vatrogasaca od trenutka uzbunjivanja, početka intervencija, lokaliziranja i gašenja požara, potrebno je uz dosadašnji sistem veza i broj stabilnih, mobilnih i prenosnih uređaja, raditi na nadgradnji tog sistema i nabavci novih modernijih uređaja za potrebe Profesionalne vatrogasne jedinice Maglaj.

Takođe treba da se radi na dodatnom popunjavanju i podmlađivanju kadrova i njihovom adekvatnom obučavanju, opremanju i osposobljavanju.

Pravna lica dužna su svojim općim aktom a u skladu sa vrstom djelatnosti koju obavljaju i procesom rada, urediti pitanja koja se odnose na organizaciju i funkcionisanje zaštite od požara u svojim objektima i to sukladno odredbama člana 24. ZOP ZDK.

Pravna lica koja do sada nisu izradile opći akt odnosno Pravilnik o zaštiti od požara, isti moraju što prije izraditi.

Za provođenje preventivnih mjera zaštite od požara moraju rasporediti zaposlenika koji je obavezan položiti ispit za protivpožarnu zaštitu po posebnom propisu pred nadležnom komisijom.

U svim pravnim licima gdje postoji opasnost od požara i eksplozija, kao i građevinama i prostorima gdje se okuplja ili boravi veći broj ljudi, obavezno sprovesti sistem aktivne zaštite od požara.

Prema Federalnom zakonu zaštite od požara i vatrogastvu ("Službene novine Federacije BiH", broj: 64/09), a u članu 88. istog zakona određuju se pravna lica koja su dužna osnovati vatrogasnu jedinicu ili na drugi način osigurati zaštitu od požara.

Obavezu iz člana imaju pravna lica u kojima se proizvode, prerađuju, distriburaju ili skladište zapaljive, eksplozivne i ostale opasne materije, u kojima zbog toga postoji povećana opasnost od požara ili eksplozija, što se određuje prema propisu iz člana 29. stav 2. ovog Zakona.

Operiodične akcije uređenja naselja i objekata (čišćenje terena, podruma i drugih mjesta od zapaljivih otpadnih tvari) te sezonskih radova (uređenje zemljišta i spaljivanje otpadaka) se trebaju provoditi najmanje jednom godišnje u saradnji sa nadležnim KJD Maglaj koji se bavi odvozom otpadaka i Savjetima mjesnih zajednica kakao bi se preventivno djelovalo u smislu zaštite od požara o čemu se obavještava Odjeljenje ZOP-a i vatrogastva.

Inicirati aktivnosti da se u svim stambenim objektima postave aparati za gašenje početnih požara te da se isti redovno servisiraju, što je najbolja preventive za sprečavanje širenja požara u ovim objektima

ZAKLJUČAK

U informaciji je dat prikaz stanja opremljenosti i organizovanosti vatrogastva na području Općine Maglaj, broj intervencija u 2017. godini, kao i provedbe zakonskih propisa i mjera zaštite od požara i vatrogastva. Iz navedenog može se zaključiti slijedeće:

Evidentno je da opremljenost Profesionalne vatrogasne jedinice vatrogasnim vozilima, intervencijskom opremom nezadovoljavajuća. Potrebna su znatna sredstva za nabavku novih vatrogasnih vozila.

Veliki pomak je načinjen na opremljenosti PVJ sa radnom uniformom. Plan je napravljen na osnovu Godišnjeg plana korištenja sredstava po osnovu posebne naknade za zaštitu i spašavanje ljudi i materijalnih dobara od prirodnih i drugih nesreća na području općine Maglaj za period 2016.-2020. godina. Za 2017. godinu planirana su sredstva za nabavku intervencijskih odjela. Što se tiče izrade normativnih akata iz područja zaštite od požara i vatrogastva općina Maglaj dužna je:-

- Implementirati odluku o organizovanju i funkcionisanju zaštite od požara i vatrogastva;
- Implementirati Plan zaštite od požara općine Maglaj.

DOSTAVLJENO:

1. Općinsko vijeće Maglaj
2. a/a

Informaciju uradio:
Mr. sig. Mehmed Smajlagić dipl. ing.

Kontrolor:
Anto Maglica



OPĆINSKI NAČELNIK
Mirsad Mahmutagić

